

warnehmung derselben wird alles Ge-
 treydich / Wein vnd alles / wovon der
 Mensch leben sol/ erbawet/ vnd mit Nutz
 eingelegt / Ja man spüret auffm Wasser
 vnd Lande/ an der Luft vnd Erden/ vnd
 fast an allen Geschöpfen / des Gestirns
 macht vnd zugegebene Krafft. Item /
 Es wird daraus eröffnet eines jeglichen
 Menschen Neigung / Complexion, Art/
 Weise / Wandel/ vnd innerliches Gemüt/
 giebt darneben lieblichen Bericht alles
 thuns oder lassens / falls oder widerfalls/
 es sey in achtung vnd warnehmung vn-
 sers Leibes / Krieges außrüstung / oder
 Feindes handlung / vnd dergleichen vn-
 zehlich viel.

Ob nun wol auch leichtlich zu schliessen
 ist/ daß sich viel zutrage / welches aus der
 Contellation nicht entstehet / welche die
 Universal vrsachen verhindern / Denn viel
 kömen in gemeinem sterben vmb/ dieweil
 durch die gemeinē vrsachē (als befinsterung